

Plenarna sjednica CCBE-a u Briselu – novembar 2014.

CCBE Info

Broj 40
Mart 2015.

CCBE želi dobrodošlicu svom novom generalnom sekretaru – Evropski dan advokata 2015.
– Kanada: Zakon o sprječavanju pranja novca je neustavan – Nacrt vodiča o sprječavanju pranja novca namijenjen advokatskim komorama – Presuda ESLJP-a o telefonskom prisluškivanju – Izvještaj Vijeća Evrope o ravnopravnosti spolova – Semafor pravosuđa (pregled stanja pravosuđa) u EU 2015.

CCBE ŽELI DOBRODOŠLICU SVOM NOVOM GENERALNOM SEKRETARU

Philip Buisseret je novi generalni sekretar CCBE-a, a taj je položaj preuzeo od Jonathana Goldsmitha, koji je u januaru nakon 13 godina otišao s funkcije čelnika ureda u Briselu.

“Drago mi je da ću moći povezati moje zanimanje za pravna pitanja i slobodne profesije s vođenjem CCBE-a”, rekao je Philip. “Želim nastaviti s dosadašnjim dobrim radom CCBE-a i dalje razvijati ulogu advokata na evropskoj i međunarodnoj sceni”.

S magisterijem na području prava s Katoličkog univerziteta u Leuvenu (KUL), u Belgiji, Philip je do sada bio na mjestu zamjenika generalnog sekretara, a nakon toga i direktora Notarske komore Belgije. Tečno govori engleski, holandski i francuski.



EVROPSKI DAN ADVOKATA: 10. DECEMBAR 2015.

Nakon velikog uspjeha Evropskog dana advokata 2014. godine, Evropski dan advokata ponovo će se održati širom Evrope **10. decembra 2015.** godine, kada se obilježava i Međunarodni dan ljudskih prava. Ovogodišnja tema je **“Sloboda izražavanja” i mjesto i uticaj koji sloboda izražavanja ima u našem društvu.**

Evropski dan advokata je prilika da se slave vladavina prava i pravna profesija, posebno u odbranama, kao i zajedničke vrijednosti advokatske profesije i doprinos advokature pravosudnom sistemu.

Tokom narednih mjeseci o ovom će događaju više informacija biti dostupno na www.ccbe.eu/lawyersday.



VRHOVNI SUD KANADE UKINUO DIJELOVE ZAKONA O SPRJEČAVANJU PRANJA NOVCA JER NISU U SKLADU SA USTAVOM

Vrhovni sud Kanade objavio je mišljenje u kojem ističe kako štiti advokatsku tajnu i istovremeno je ukinuo dijelove kanadskog zakona o borbi protiv terorizma i sprječavanju pranja novca koji su dozvoljavali vlastima da pretražuju i plijene spise iz advokatskih kancelarija bez naloga, i kojima se od advokata zahtijevalo da vladu obavještavaju o sumnjivim finansijskim aktivnostima svojih klijenata.

Zakonom o sprječavanju pranja novca i finansiranja terorizma (S.C. 2000) traži se od onih koji učestvuju u finansijskim transakcijama, uključujući i advokate, da sakupljaju informacije kako bi se mogao provjeriti identitet osoba u čije ime daju ili primaju novac, da vode ekstenzivne popise transakcija i uspostave interne programe kako bi osigurali poštivanje zakona. Zakon također omogućava pretrese advokatskih kancelarija i oduzimanje materijala koje advokati moraju prikupljati, evidentirati i čuvati.

U svom prijedlogu ocjene ustavnosti, Federacija advokatskih komora tvrdila je da taj zakon advokate pretvara u državne službenike protiv njihove volje i da ne pruža adekvatnu zaštitu odnosu advokat-stranka, te da advokatske kancelarije pretvara u arhive koje stoje na raspolaganju za korištenje policiji i tužilaštvu.




Federation of Law Societies of Canada

Fédération des ordres professionnels de juristes du Canada

Pročitajte više: [[Canada \(Attorney General\) v. Federation of Law Societies of Canada, 2015 SCC 7](#)]

NACRT VODIČA O SPRJEČAVANJU PRANJA NOVCA NAMIJENJEN ADVOKATSKIM KOMORAMA



Vijeće advokatskih komora Evrope (CCBE), Međunarodna advokatska komora (IBA) i Američka advokatska komora (ABA) zajedno su pripremili “Vodič za advokate za otkrivanje i sprječavanje pranja novca”, koji je objavljen u oktobru 2014. godine i može se besplatno pronaći na internetu. Ovaj vodič nudi praktične savjete o tome kako prepoznati kriminalce koji pokušavaju zloupotrijebiti advokatsku profesiju u svrhu pranja novca i/ili finansiranja terorističkih aktivnosti. Ovaj vodič bavi se i razvojem pristupa koji se temelji na rizicima kako bi se otkrile moguće opasnosti i kako bi se na njih blagovremeno reagovalo.

Besplatan vodič može se preuzeti na: [http://www.ccbe.eu/fileadmin/user_upload/NTCdocument/01748_MKT_SGP_Lawyer1_1413961642.pdf]

ADVOKATI POKRENULI AKCIJU ZA IZUZIMANJE IZ SISTEMA PDV-a

Advokatska komora Pariza podnijela je **1. decembra 2014.** godine zahtjev francuskom Državnom vijeću tražeći da se od Evrpskog suda pravde zatraži mišljenje o kompatibilnosti Direktive 2006/112/EC o zajedničkom sistemu PDV-a s Poveljom o osnovnim pravima. Ovaj slučaj odnosi se na priznanje prava svakog pojedinca, koji nije u sistemu PDV-a, da smanji porez na pravne i druge usluge koje su povezane s pravnim postupcima, pod istim uslovima kao i oni koji su obveznici PDV-a.

Od 1997. godine, CCBE je u više navrata pokušao postići ukidanje ili smanjenje PDV-a koji se naplaćuje na pravne usluge koje koriste pojedinci, na temelju načela pristupa pravdi i jednakosti u postupanju. CCBE trenutno interveniše, zajedno sa belgijskim advokatskim komorama, u postupku za poništenje zakonske odredbe ukidanja izuzeća iz PDV sistema, koji je pokrenut pred Ustavnim sudom Belgije i Evropskim sudom pravde.



PRISLUŠKIVANJE TELEFONA: ESLJP UTVRDIO NARUŠAVANJE PRIVATNOSTI



U slučaju protiv Rumunije, Evropski sud za ljudska prava donio je presudu prema kojoj je prisluškivanje telefona koje je prethodno odobrio sud, u slučaju razgovora između advokata i njegove stranke bilo neprimjereno, a na osnovu toga što podnositelj zahtjeva, koji nije bio stranka u postupku, nije u svom domaćem zakonodavstvu imao na raspolaganju siguran način da ospori zakonitost i potrebu takvog miješanja u njegovu privatnost.

Pročitajte više: [\[Pruteanu vs. Romania, predmet n°30181/05\]](#)

IZVJEŠTAJ VIJEĆA EVROPE O RAVNOPRAVNOSTI SPOLOVA

Vijeće Evrope prezentovalo je **12. februara 2015.** godine svoj godišnji izvještaj za 2014. godinu o primjeni strategije o ravnopravnosti spolova od 2014. do 2017. godine. Ovaj izvještaj procjenjuje napredak koji je ostvaren u primjeni strategije u zemljama članicama i obrađuje dobivene rezultate.

Pročitajte više: [\[Godišnji izvještaj za 2014. o strategiji ravnopravnosti spolova\]](#)



